

Gwendy Sneek a entrega ehemplar di su buki "Meimei di shelo y tera" na VNO



Aki nos ta mira e artista Gwendy Sneek entregando su buki na Sr. van Rossum dilanti di e edificio nobo di Ministerie van Binnenlandse Zaken en Koninkrijksrelaties. Foto y texto G. Sneek

ORANJESTAD - Recientemente e artista Gwendy Sneek, kende ta conoci como pintora, a haci su debut den Cas di Cultura como autor di su prome buki di poesia na Papiamentu: "Meimei di shelo y tera". Pa celebra e hecho aki e propio pintora/autor a produci y dirigi un 'show' rond di e tema di e buki cu ta 'sincretismo religioso', fusion di dos o mas creencia. Un espetaculo cu a encera musica, baile, teatro (shadowplay) y declamacion den su propio voz. E lansamento a keda hopi bon comenta mes pa un publico di entre 200 pa 300 hende cu tabata presente e anochi di 26 di September.

Pa e motibo ey Gwendy Sneek a bishita Vertegenwoordiging van Nederland op Aruba (VNO) y a hasi entrega oficial di un ehemplar di su buki. Un regalo pa yama danki na sr. Knecht y sr. van Rossum, cu a colabora generosamente cu un donacion cu a hasi e show pa introduci y presenta e buki posibel.

Un buki diferente den tur aspecto cu un tema interesante di e cultura Arubiano, presenta den forma di poesia. Esey ta "Meimei di shelo y tera". E ta obtenibel na DeWitt & VanDorp Stores, Plaza Bookshop, Yabi di Angel y Himalaya New Age Center.